

無聲詩史

無聲詩史原序

文運莫盛於有明文心之靈溢而為畫故氣  
韻生動之蹟每出於勝流高士畫者文之極  
而彰施於五采者也畫苑自史皇迄於勝國  
俱有傳記可攷獨有明六法寡々無述焉余  
性喜畫而尤喜究畫家源委尚論之餘寢食  
都廢繇洪武以至崇禎二百八十餘載凡有  
關繪事者間見所及錄之奚囊積而成帙題

曰無聲詩史夫雅頌為無形之畫丹青為不  
語之詩盤礴推敲同一樞軸至於毫端靈韻  
尤在生知學步效顰寧堪垂遠觀者當玄  
賞於驪黃之外也東坡有云論畫求形似見  
與兒童鄰賦詩必此詩定非知詩人六法之  
蘊四聲之旨備於此矣所愧藻鑑未精搜討  
有限聊據所知存其姓字以俟博雅者審  
定焉晏如居士姜紹書識

無聲詩史目錄

曲阿姜紹書二酉輯

一卷

宣宗

憲宗

孝宗

景皇

寧獻王

樂安王

黃公望

王蒙

倪瓚

王冕

陳汝言

周砥

王履

趙原

徐賁

張羽

楊基

冷謙

方從義

宋克

王綬

虞謙 王性郭將軍附

夏昶

屈初張緒唐和附

夏昶

朱端

朱孔陽

張益

沈遇

何澄

程南雲

高棟

戴進附泉

謝環

張寧

陳憲童

附英

王謙

附應奇

孫隆

二卷

杜瓊

劉珏

姜立綱

岳正

林良

呂紀

葉雙石附

邊文進

楚祥附

姚綬

金琮

金璫

史忠

吳偉

張路

李在

鍾欽禮

汪肇

王一鵬

沈貞  
沈恒

沈周

文徵明

文彭

文嘉

文伯仁

文從簡

文從昌

周臣

陳暹

唐寅

朱綸

張靈

王寵

徐霖

杜堇

陳沂



陸師道

陸士仁

三卷

王穀祥

陶成

陳淳

陳枯

王問

王孟仁

蔣嵩

黃蒙

仇英

尤求

徐渭

陳鶴

謝時臣

陸治

蔣乾

朱朗

孫枝

侯懋功

居節

沈仕

莫是龍

錢穀

沈襄

周官朱生

潘鳳

蔣守成

陶浚

魯治

陳芹

王逢元

姚澍

王文耀

項元汴

徐充

朱承爵

段銜

盛時泰

孫承恩

孫克弘

董嗣成

宋旭

錢貢

周之冕

胡宗仁

宗信宗  
智附

沈碩

顧炳  
顧源

四卷

董其昌

陳繼儒

顧正誼

元慶附

趙左

安紹芳

張納陞

何淳之

鄒迪光

仁基德基附

邢侗

朱之蕃

之仕附

李流芳

鄒之麟

李日華

米萬鐘

丁雲鵬

李麟

吳彬

吳廷羽

王廷榮

宋懋晉

吳振

附昌

沈士充

陳煥

陳裸

李士達

盛茂燧

朱鷺

沈顥

王聲

程嘉燧

魏之璜  
魏之克

曾鯨

張瑞圖

王鐸

劉若宰

程正揆

楊觀光

王時敏

王鑑

張伯駿

王秉鑑

唐獻可

惲本初

凌必正

藍瑛

鄭重

張宏

許儀

吳之琯

張翀

李永昌

歸昌世

王思任

倪元璐

周祚新

崔子忠

季寓庸

陳丹衷

周世臣

萬壽祺

林之蕃

五卷

盧允貞

杜陵內史

馬間卿

孫夫人

沈氏

朱素娥

何玉仙

林奴兒

馬守真

薛素素

林雪王友雲

吳娟



范道坤

邢慈靜

傅道坤

附隆坤

文淵

周氏二女

李因

黃媛介

六卷

周元素

陳遇

劉基

張觀

史謹

章公瑾

商喜附祚

趙文

上官伯達李福智附

夏衡

夏芷附葵

周文靖

莊瑾

陳嗣初

謝宇汝明附

金文鼎

金湜

丁文暹

陳中復

顧因

張文昱

藍瑜

王諤

傅禮

鄭春鄭堂附

蔣鎧

黃珎

吳珵

謝賓舉

薛仁

陳辨謙

王尚賢

張祐

附祿

毛良

陳喜

石銳

丁玉川

顧宗

黃璨柳楷

卞榮

趙同魯

張玲

韓秀實

張靖

孫玘

附錦

顧應文

郭文通

范暹

陳復

陳後

劉志壽

李泉

阮福

趙丹林

過庭章

林廣

楊埏

沈政

徐柱

伍概

倪端

劉節

姜隱

金潤

俞泰

王田

彭玄中  
沈明遠

張翬

張浚陽

僧照菴

僧曉庵

僧雪

僧可浩

僧日章

僧草菴常瑩

謝晉

蘇復

宋登春

王乾

盛安

殷善

附僧

殷宏

朱應祥

李著

裴真

吳秋林

吳天麟

宋臣

張墨崖

陸元厚

時儼

陳鐸

謝縉

金鉉

汪浩

許通

吳愛蕉

嚴賓

張譽

蔣子成

胡隆

蘇祥

景卿

史鑑

汪質

許尚友

陳大章

王復元

劉俊

袁璘

張倫

楊璠

李士實

孫天祐

蔣貴

朱銓

附鑑

杜君澤

馬稷

蘇致中



高松

韓方

劉傳

葉澄

王彥

孔福禧

張欽

姜濟

袁聚

七卷

朱貞孚

黃彪

附景星

李郡

吳支

劉世儒

楊一洲

王世昌

張允孝

姚衍舜

馬一卿

任道遜

郭詡

雷鯉

黃鵠

趙固

王盥

杜大成

沈誠

馬俊

談志伊

張煥

李葵

周天球

蔡一槐

詹景鳳

顧大典

爰君素

靳觀明

許昂

史大方

汪慶

林旭

鄒鵬

王建極

朱寅仲

金門

陳勲

鄒益

沈昭

周時臣

杜大綬

周教

何濂

朱慶聚

胡懋禮

金則柔

項承恩

朱文豹

殷自成

范升成

謝道齡

楊名時

吳士冠

林有麟

陳元素

關九思

袁孔璋

王尚廉

姚允在

蔣紹燧

賓圻附

董孝初

曹義

徐文若

袁楷

唐志契

高陽

王心一

楊繼鵬

方洛如

邵堅邵高

曹堂

劉度

潘濬

安廣譽

馮起震

傅朝佑

張奇

黃石符

方以智

陳洪綬

楊文驄

鄭元勛

馬圖

葛徵奇

馬伯繩

鄒式金

陳紹英

朱先

于蒨

宋珏

蔣清

盧丹

鄭完

盛丹

姜彥初

西域畫

姚月華

徐翩上

梁夷素

范珠

顧眉

李陀娜

楊宛

范珏

顧媚

嘉興夏舜臣鐫



無聲詩史卷一

宣宗

宣宗章皇帝諱瞻琪仁宗長子建元宣德帝  
天濤飛翔雅尚詞翰尤精於繪事凡山水人  
物花竹翎毛無不臻妙上書年月及賜臣姓  
名用廣運之寶武英殿寶及雍熙世人等圖  
印

憲宗

憲宗純皇帝諱見深英宗長子建元成化帝  
游戲繪事長於神像識以年月及御寶焉

### 孝宗

孝宗敬皇帝諱楹憲宗第二子建元弘治帝  
萬幾之暇間亦好琴臺諫時以為言上笑謂  
近臣曰彈琴何損於事勞此輩言之然終不  
以為忤也兼長繪事曾賞畫工吳偉綵段數  
匹命曰急持去毋使酸子知道

# 景皇

景皇帝諱鈺宣宗仲子建元景泰予曾於戶部郎中何九說處見景皇畫著色田瓜仿宣和筆意雖傳世不多亦能手也

## 寧獻三

寧獻王名權自號臞仙高皇帝第十六子洪武朝封於大寧永樂二年改封南昌王博學好古能詩有采芝吟所製樂器如琴阮等

咸有巧思頗嫺丹青宸濠迺其孫也

樂安王

遼源明宗室畫用江右藩封印寫菊花芙蓉頗饒艷逸之致

黃公望

黃公望字子久號一峯富陽人本姓陸有神童之稱出繼外家改姓黃氏博學多才經史九流無不通曉浙西廩訪使徐琰辟為掾

未幾棄去改名堅自號大癡道人隱於杭之  
筲箕泉往來三吳與曹知白及方外莫月鼎  
冷啓敬張三丰友善其畫自王摩詰董北苑  
僧臣然而下無不探討一洗趙宋工習時登  
高樓望雲霞出沒以挹其勝故其所寫瀟灑  
絕倫獨立霞表真仙品也戴表元贊其像曰  
身有百世之憂家無儋石之樂蓋其俠似燕  
趙劍客其達似晉宋酒徒至於風雨寒門呻

吟盟礪欲援筆而著書又將為齊魯之學  
也豈尋常畫史也哉子久雖生元季入明  
尚在年八十有六不知所終

王北豕

王蒙字升明號黃鶴山樵趙文敏公甥寫山  
水師摩詰巨然墨法秀潤洪武初為泰安知  
州廳事後正對泰山叔明張綸素於壁每興  
至即著筆凡三年而畫成傅色都了時濟

南經歷陳惟允與辨明俱妙於畫且相契厚  
一日胥會值大雪山景愈妙辨明謂惟允曰  
改此畫為雪景何如惟允曰如傳色何辨明  
曰我姑試之即以筆塗粉然色殊不活惟允  
沉思良久曰我得之矣為小弓夾粉筆張滿  
彈之粉落絹上儼如飛舞之勢皆相顧以為  
神奇辨明就題其上曰岱宗密雪圖自詩以  
為無一俗筆惟允固欲得之辨明因綴以贈

陳氏寶此圖百年非賞鑒家不出松江張學  
正廷采好奇之士亦善畫聞陳氏蓄此圖往  
觀之卧其下兩日不去以為斯世不復有是  
筆也徐武功尤愛之曰予昔登泰山是以知  
斯圖之妙諸君未嘗登其妙處不盡知也後  
以三千歸嘉興姚御史公綬未幾姚氏火  
此圖遂付煨燼矣辨明元末人在元已稱四  
大家之一矣以其任明因載之

山樵又字辨  
銘予曾見其



山水真蹟有以叔銘落款者 楊循吉云昔  
黃鶴山人極敬黃子久奉為師匠一日肅子  
久至齋焚香進茗從容出已得意筆請教子  
久為黃鶴從其得意處復添點染為林巒沃  
色圖遂覺烟雲生動世傳黃王合作

### 倪瓚

倪瓚字元鎮號雲林子又號幻霞生於元季  
性好潔行亦如之喜吟咏善畫枯木竹石及  
山水小幅氣韻蕭遠識者謂雲林曾次冰  
雪烟雲相為出沒筆端固自勝絕良不虛也

明初被召固辭不起人稱高士蓋錫山之先哲也

王冕

王冕字元章諸暨人本田家子少即好學長七尺餘儀觀甚偉鬚髯若神通春秋諸傳嘗一試進士舉不第即焚所為文益讀古兵法有當世大畧著高簷帽被綠蓑衣履長齒木屐擊木劒行歌會稽市或騎黃牛持漢書

以讀人或以為狂生同里王公止善甚愛重之  
為拜其母王後為江浙簡較君往謁衣弊履  
不完足指踐地王公滌念遺草履一緬諷使  
就吏祿君笑不言置其履而去歸會稽依浮  
屠廡下教授弟子倚壁度土釜爨以為養人  
或遺之不受也時高郵屠公駟新任紹興  
理官過武林問交於王公、曰吾里人有王元  
章者其志行不求於俗公欲與語非就見不

可駟至即遣吏以自通君曰我不識申屠公  
所問者他王先生耳謝不與見吏請不已君  
斥曰我處士寧與官府事毋擾乃公為也駟  
既重王公言且竒其為人進謁禮益恭以白  
於其大尹宋公子章具書幣製冠服俱造  
其廬以請君為之強起入爨舍講授歲餘會  
他官禮待不如意乃為書謝申屠公東游  
吳人雅聞君名君又善寫梅花竹石士

大夫皆爭走館下繡素山積若援筆立揮千  
花萬蓋成於俄頃每竟一幅則自題其上皆  
假圖以見意為歌詩雄渾跌宕以古豪傑自  
居久之復遊金陵諸新貴皆加敬待遂北上  
燕薊縱觀石庸古北之塞主秘書卿達公兼  
善家時賢爭譽薦之若題寫梅張座間有  
花團冰玉羗笛吹不下來之句見者皆縮首  
齟舌不敢與語至正戊子南歸過吳中為人

言黃河將北流天下且大亂吾亦南棲以遂  
志於是就會稽買山一頃許築草堂讀書其  
中服古衣冠或乘小舟扁曰浮萍軒自放於  
鑑湖之曲好事者多載酒從之明太祖取浙  
東諸郡冕遇胡大海獻攻紹興之策引見上  
應對稱旨署為諮議參軍

陳汝言

陳汝言字惟允國初為潘左丞客有壽左丞

仙山樓閣圖此畫之精絕者徐幼文題其山  
居圖云昔年為客處看圖懷故山今日還山  
住儼然圖畫間泉來透蘭徑月出對花關  
應知農事畢高坐有餘閒惟允與元惟寅  
有大髯小髯之號

周砥

周砥字履道元遺民也博學工文詞薄遊無  
所詣故與義興馬孝常治善治曰周生久宦

遊無成而來過我於是殫往舍荆溪山中義興諸豪友知孝常有重客載酒從遊周生多謝病却之即飲亦不盡一爵曰吾無德於諸君而虛飲食我々不及鮑生明矣夜半竟去歸吳與高季迪楊孟載相和歌書蹟尤工兼善圖畫已而之會稽歿於兵

王履

王履字安道崑山人學醫於丹溪朱彥脩博



極群書為詩文皆精詣有法畫師夏圭行筆  
秀勁布置茂密洪武初挾策冒險登華山絕  
頂以絙筆自隨遇勝寫景得四十餘圖極高  
奇曠與之勝書所賦詩於上以紀遊

趙原

趙原字善長姑蘇人西師王右丞董北苑善  
寫山水得窅淙窮邃之致洪武中徵畫史集  
中書令圖往賢著功名者原應對忤旨見法

集賢堂記卷一  
楊基有題趙元懸崖圖  
詩善長又名元兩存之

### 徐賁

徐賁字幼文長洲人累官廣東布政所著北  
郭集詞彩道麗風韻淒朗人稱其詩品如楚  
客叢蘭湘君芳杜而畫亦追踪董巨余藏其  
小景清灑蕭疎倪雲林之流亞也

### 張羽

張羽字來儀烏程人累官翰林待制太常寺

丞所著有靜居集畫法米敷文高尚書二家  
世但知其工於文而不知其妙於畫可見昔  
賢之能事也李日華太僕六硯齋筆記載  
其曾臨高房山之水感而作歌有我縱有心  
嗟欲老之句又云乾坤浩蕩江湖濶使我執  
筆將何從蓋滌得畫趣者來儀詩名與高  
盛並俱明初詩人所謂高楊張徐者也

楊基

楊基字孟載洪武中起家大官署令累遷按察所著有省庵集孟載才長逸蕩興多雋永篇題之外兼及繪事都太僕玄敬集云世稱高楊張徐以方唐之王楊盧駱四先生惟高太史不善畫楊憲使徐方伯張太常畫筆余嘗見之觀此則知孟載乃善畫者矣

冷謙

仙人冷謙字起敬武陵人道號龍陽子洪

武初以善音律仕為太常協律郎蓋百餘  
齡矣亦猶東方曼倩之仕漢也起敬中統初  
與邢臺劉秉忠從沙門海雲游書無不讀  
尤邃於易及邵氏經世天文地理律曆衆技  
皆能通之至元間秉忠入拜太保參中書事  
君乃棄釋業儒游於雲川與趙子昂游四  
明衛王府覩唐李將軍畫忽發膏臆效  
之不月餘山水人物悉臻其妙而傳彩尤加

纖細神品幻出由此以丹青鳴於時隸淮  
揚遇異人授中黃大丹出示平疇悟真之  
旨悟之如已作至明百數十歲綠髮童顏  
如方壯時所畫蓬萊仙弈圖尤為神物圖  
後有張三丰題識二仙之蹟可稱聯璧先  
生於永樂中有畫鶴之誣隱璧仙去英武  
如成祖不能以世法繩之其種々狡獪變幻  
真欲借六合為游戲者也

方從義

道士方壺名從義居上清宮寫山水極瀟  
灑有董巨二米遺韻方壺雖生於元而洪  
武間尚在

與高太史棟同時則知其元末明初人也

宋克

宋克字仲溫長洲南宮里人少跌宕不羈好  
馳馬試劍究韜畧將北走中原會道梗不  
果家居以氣節自勵性元直人有過輒面

折之無少容與人議論據事析理期於必  
勝一旦厭事杜門謝客搯觚染翰日費千  
緡遂以書名章草久不傳至克始得其法  
筆墨精妙可與古人並驅尤喜畫竹雖寸岡  
尺塹而萬玉千篁蕭然出俗洪武初同知鳳  
翔平時有宋廣字昌裔者亦善草書與  
克頡頏人稱為二宋

王紱



王紱字孟端無錫人自少志氣高逸工古詩  
歌嘗北游江淮浮黃河游太行出雁門往來  
晉代之間周覽形勝輒感慨弔古徘徊不  
能去一時聞人慕其名爭延致之及觀其  
氣貌環岸議論踔厲益加器重久之歸  
江南隱居九龍山中詠左太冲詩曰何必絲  
與竹山水有清音遂自號曰九龍山人又  
號石友生永樂中有以能書薦入翰林擢

為中書舍人尤工畫山水竹石每酒酣對賓  
客著黃冠服意氣傲然伸經攘袂揮筆  
灑灑奇怪跌宕不可名狀画已徐吟五字詩  
蕭然有風人之致然不可意者雖豪貴不肯與  
就之至閉門不納人問之曰丈夫在所處輕者苟  
且如此重者將何以哉士流益以此高之內  
申春卒於此京寓中時年五十有五錢塘王  
洪為之傳

虞謙

王性郭  
將軍附

虞謙字伯益金壇人洪武乙亥由太學生擢  
刑部山東司郎中陞杭州知府永樂初召  
為大理寺左少卿尋陞左副都御史命巡  
眎淮揚旱災至則疏民所苦請發廩賑貸  
巡撫浙江察廉糾貪上言十數事多見施行  
仁宗即位擢為大理卿折獄平允所條奏  
七事皆切中時弊公儀觀甚偉瀟灑絕俗

無聲言卷一  
工詩所著有玉雪齋稿畫竹石與夏太常齊  
名公同里有王性者精於醫兼善山水與公  
交厚同時有郭將軍者能工詩畫公贈以  
詩有詩律清新畫入神之句

夏景

屈初張緒  
詹和附

夏景字仲昭崑山人初姓朱名昶舉進士為  
翰林院庶吉士太宗嘗召見之謂曰太陽麗  
天日宜加於永上昶字宜作景字書有景

字始此既而永又自奏復其本姓為夏以善書供事內省嘗扈從兩京授中書舍人宣德中轉考功主事仍供內直正統中用薦者陞太常卿致仕年八十三平時成化六年八月訃聞賜祭葬永既善書亦能詩精繪事嘗師王孟端尤工墨竹以至海外多餅金懸購名重四裔其為人坦率樂易不拘小節時出入禮法間人亦不甚非之晚年家居頗效楊

廉夫之為人以詩畫燕樂自娛云同里有屈  
初字處誠吳匏庵集云崑山之人師仲昭墨  
竹者更數輩獨屈初處誠頗類之今人家  
所得往往出其手真偽固自能辨同時有  
張緒字廷瑞海虞人竹石亞於仲昭而雁  
行屈處誠焉詹和字仲和錢唐人書仿趙  
吳興酷似之寫墨竹風枝露葉可遠追仲  
圭近接仲昭

夏昞

夏昞字孟暘仲昭之兄起自我伍為中書舍人畫學高房山蕭子有林壑氣

朱端

朱端字克正精工人物山水花木翎毛舉腕即曲盡其態度墨竹師夏昞欽賜一樵圖書印

朱孔陽

朱孔陽華亭人官至太常卿工署書兼善  
畫寫楊少師士奇歸田圖評者謂其作家  
士氣皆具成祖遷都北平宮殿榜額皆孔陽  
筆一日上御右順門召書大善殿扁舉筆立  
就滌荷嘉獎即授中書舍人蓋以善書授官  
自孔陽始晉編脩歷陞寺卿歷事四朝皆以  
法書被知其子暉亦能書官中書舍人

張益



張益字士謙號恣菴吳縣人永樂乙未進士  
選為庶吉士預脩國史遷修撰進學士召入閣  
典機務正統北征隨赴行在勸上持重兵潰  
死之益為文立就軍中草檄俱出其手喜  
寫松竹與同榜夏景同邸舍景曰子當以  
文名世墨竹小技宜讓我矣益遂絕意渲  
染故其画最少有畫法一卷藏于家

沈遇

沈邁字公濟號臞樵吳縣相城里人其先世  
有名宋咸淳間公濟善畫山水其所居雅趣  
堂多列圖史衣冠古雅有晉唐風致非世之  
畫史比與吳文定公寬為石友文定每得其  
画必寶藏之公濟嘗寓金陵有山樓詩一卷  
多吳中名流所贈其歿也文定有詩悼之云  
秣陵春色厭駑駘投老吳門白髮垂燈下  
解衣盟礪處山中持斧嘯歌時一負此憲元

非病三絕如虔不數癡落日高堂開障子雪

峰烟樹使人悲

石田臨臞樵雪圖題云臞樵沈公以善画人物山水名於

宣德正統間嘗徵至京師比還聲稱益藉學者頗衆先君同齋處士寔嘗師之但先君筆法稍加細潤當時評二家之筆謂臞樵有巖穴之氣先君得富貴之習雖各自名家而寔出一鉢也至不肖聰明不逮學識又疎既稍變其法遂失師承涂自痛恨家世所藏雪圖乃先生得意之作暇日弄筆有竹莊偶得匹經遂乘興臨一過極知刻畫無鹽唐突西子予第少常給事左右頗為知公用筆之意故亦不敢自讓恨先君不及見之耳昔米南宮臨晉唐書画輒曰若見真蹟慚惶殺人觀者脫不以此幅比真蹟則區々之幸多矣沈周

戲筆

何澄

何澄字彥澤江陰人永樂癸未舉於鄉以部  
郎言事忤旨謫武當已復上疏激切下詔獄  
洪熙改元釋歸宣德中薦擢知袁州與民  
休息頌聲四達正統中乞休婆娑林泉享年  
九十有九所居植竹數百竿引以二鶴自號  
竹鶴老人雅意翰墨長於山水嘗自題西

云蘆花瑟瑟水茫茫落月沉沙夜未央離思  
不禁天外鴈孤舟燈火客三湘

程南雲

程南雲號清軒宋儒伊川之後字備篆隸  
楷草而行書顏頤趙文敏喜作雪梅雪竹  
咸臻其妙詩文奇古官至太常卿

高棟

高棟字彥恢仕名廷禮別號漫仕宋尚書

張鎮之後出繼高氏嗣遂從高姓棟博學  
能文尤雄於詩自布衣入翰林為待詔九年  
陞典籍平生賦詠流傳海內有稿曰嘯臺集  
水天清氣集選唐詩品彙行世議者服其  
精博能書工畫時稱三絕畫法原於米南宮  
父子出入商高間時方壺子画妙一時初識  
棟稱賞不真曰異時當為名家在翰林二  
十年四方求詩畫者爭以金帛為贄歲嘗

優於祿入

戴進

附泉

戴進字文進號靜菴又號玉泉山人錢塘人  
山水得諸家之妙凡人物翎毛花卉無不擅  
長宣廟時進嘗作秋江獨釣圖上見之歎其  
工欲召見大用謝環諛之曰朱衣朝服也而可  
施之漁獵乎遂寢其命進於墨竹葡萄等  
畫無不精絕乃浙畫之第一流也子泉字

宗淵山水得家法

文進不肯為方伯某作門神某怒囊以三木右伯黃

公澤閩人也見而問其故笑而解釋之戴德黃甚臨行贈畫四幅乃其生平最得意之筆今黃氏子孫尚存其一云又按張平山亦有此厄豈一事而兩傳之耶文進尤善寫真曾至金陵行李為一傭肩去初未寃其姓名查不可識乃從酒家借紙筆圖其容貌集眾傭示之眾曰是某人也隨跡其家果得焉

### 謝環

謝環字廷循永嘉人清謹而文家無餘資常亮然有自足之意知學問喜賦詩時吟咏自



適有邀之為山水之遊者欣然赴之或數日  
忘返所與交皆賢士廷循善畫初師陳永起  
永起元張師夔高弟洪武初有盛名兩浙清  
介凜然不苟接人識廷循於鯨角特愛之一  
經指點輒得其妙處廷循遂馳名於時永  
樂中召在禁近宣宗妙繪事天機神發不  
假於學供奉之臣特獎重廷循萬幾之暇  
恒侍左右間承顧問率以直對上嘉其誠

屢書御製詩賜之及有金幣衣服之賜再  
進官錦衣衛千戶蓋授近職使食其祿也廷  
循益執謙虛不倚為榮退怕杜門謹守雖其  
中確然而外未嘗一毫忤物所居滌邃閤爽  
森列唐宋以來法書名画造之者如衆寶在  
目應接不暇有欲得者聽持去無所靳惜所  
謂寓意於物而不留意廷循有焉楊文貞公  
士奇每見其画必加評賞名其軒曰墨禪文

貞為之記

張寧

張寧字靜之嘉興人舉進士累官禮科給諫  
天順間出使高麗畫蘭竹贈陪臣李扶兼題  
詩於上云新竹初解籜幽蘭未著花風光雖  
淺薄生意亦無涯高麗皇華集載公詩文頗  
多此其一也後與執政忤出為汀州守引疾  
歸詩思敏捷工人物山水

陳憲章

附英

陳憲章號如隱居士會稽人畫梅與王牧之  
齊名評者謂二家雖格意不同憲章筆力  
實過牧之丁英亦能寫梅

王謙

附應奇

王謙字牧之錢塘人號冰壺道人善寫梅花  
余曾見其與夏太常仲昭合寫梅竹一幅題  
曰歲寒二雅牧之梅落筆雄逸有蒼龍出

岫之勢伸昭寫竹墨筆為多而此幅以綠瀟  
染就如七尺琅玕與葢珠相映真傑作也牧  
之起家儒士隆平侯張祚喜寫梅聘為西席  
侯之畫法多其指授有子應奇亦善梅花能  
世其傳焉余於崇禎丙子秋日於燕邸張錦  
衣家見牧之與戴文進合作一幅  
牧之寫梅枝柯如鐵千花萬蕊  
下人物乃文進所寫聯鑣競爽  
此觀之不特與夏  
太常同寫而已

孫隆

孫隆號都癡毘陵人開國忠愍侯孫生而穎  
敏有仙人風度寫翎毛草蟲自成一家名曰  
沒骨畫予嘗見其數幅得徐熙野逸之趣  
寫生名手也

無聲詩史卷一終

無聲詩史卷二

杜瓊

杜瓊字用嘉號東原吳縣人少孤能自刻厲  
讀書無所不通旁及翰墨皆精好畫而道  
麗效南唐董北苑元王翬明為人敦茂長者  
一時品望甚貴郡守况鍾迫欲見之匿弗肯  
就晚歲持方竹杖出遊朋舊間逍遙自娛號  
鹿冠道人菜羹糲食怡々如也家有小圃

不滿一畝植竹蒔雜花築瞻綠亭居其間  
醇和安定道韻韻人年八十卒嘗割股愈母  
疾而秘之不使人知及卒會葬千餘人門  
人私謚之為洲孝先生

劉珏

劉珏字廷美號完菴長洲人少遇太守况  
鍾推擇為吏珏謝不願吏願得補諸生守許  
之舉應天鄉試補太學生以材舉授刑部主



事遷山西按察司僉事甫五十乞歸致仕卜  
築秀野花木玲瓏號小洞庭詩長於七言清  
麗可詠寫山水林谷泉淙石亂木秀雲生綿  
密幽媚風流藹然幾於升巨然之堂入仲圭  
之室矣書法正行出趙吳興所著有完菴  
集

姜立綱

姜立綱字廷憲永嘉人太常卿楷法整嚴画

學黃子久李若實筆談云余偶得太常一幅蕭疏得秀全以黃鶴山樵為宗特筆意稍未化耳題句云功名已見繡為衫萬里青雲入笑談回首九峰天際碧可能無夢到江南

岳正

岳正字季方別號蒙泉潮縣人長身美鬚髯氣屹不能下物正統戊辰會試第一廷

試賜進士及第授翰林院編脩景泰壬申遷  
右春坊右贊善兼編脩天順丁丑改修撰英  
廟知其名吏部尚書王翱亦薦之六月召見  
文華殿特簡為內閣自是宣召賜賚絡繹  
於道是時石亨與太監曹吉祥怙寵擅權  
有投匿名文書指斥時政者亨等勸上出  
榜募能告捕者賞以三品官臣曰為政有體  
奈何天子自出榜購募且欲窮治其事緩

則人情怠忽事自覺露急則人情恐懼愈  
求韜晦不如弗究上曰正言是也亨從子彪  
鎮大同遣使獻捷使者盛陳斬首無算皆  
梟於林木之上不能悉數正取地圖指示之  
曰某地四面皆沙漠汝梟之置於何所其人  
不能對正間為上言曹石勢盛宜早節制又  
徑造亨諷令歛戢以此二人怨正日深會承天  
門災下詔罪已正眎草厯陳弊政詞極切直

天下傳之遂有飛語指為謗訕內批降廣東  
欽州同知復逮繫詔獄拷掠備至謫戍肅州  
鎮夷所時傳有密諭岳正須生不須死又鎮  
巡而下素雅重正以故皆致客禮賊不能害  
也上亦時憶及輒曰岳正倒好只是大膽正  
聞之遂隱括其辭題於寫照之上曰岳正倒  
好只是大膽惟帝念我必當有感如或赦汝  
再敢不敢臣嘗聞古人之言蓋將之死而靡

憾也越四五年曹石俱敗上謂李賢曰向者  
岳正固嘗言之乃命釋為民甲申茂陵即位  
詔仍居原職充經筵講官纂修先朝實錄  
會廷薦正為兵部侍郎清理貼黃與都給  
事中張寧名並上寧負才氣亦被譖皆補外  
正得知興化府成化己丑入覲引疾致仕至  
壬辰九月十一日卒於家年五十五正於書無  
所不讀謂天下事無不可為高自負許俯

眎一世詩文高簡峻拔追古作者字法精  
邃大書尤偉旁及雕繪鐫刻悉臻其妙嘗  
戲畫葡萄遂稱絕品

林良

林良字以善廣東人以薦為錦衣百戶供  
奉內庭畫著色花果翎毛極其精巧取水  
墨為烟波出沒鳬雁喚啞容與之態頗見  
清遠運筆道上有類草書能令觀者動

色

呂紀

葉雙石附

呂紀字廷振寧波人以薦入供事仁智殿至  
錦衣指揮使作禽鳥如鳳鶴孔雀鴛鴦之  
類俱有法度設色鮮麗生氣奕々當時極  
貴重之廷振不獨工翎毛山水人物俱妙甥  
葉雙石好畫山水自幼學之廷振

邊文進

楚祥附



邊文進字景昭隴西人宣德間供事內殿甚  
得主眷其所繪花卉翎毛極其工緻與呂紀  
齊名子楚祥能世其業

姚綬

姚綬字公綬號雲東逸史嘉興人以甲科仕  
至監察御史書法眉山工詩喜畫尤善臨摹  
其於吳仲圭趙松雪王升明數家墨氣皴染  
俱妙得神髓早歲挂冠優游泉石有晉人

風致泛一舟顏曰滄江虹月以仿米家書畫船  
也所作繪事頗加珍惜或為入所得每厚價  
返收之其自重如此

金琮

金琮字元玉金陵人稟賦穎敏自為兒時與  
群兒異稍長知學十二三能大書十四五謁明  
師讀易及諸子史寒暑晝夜不少休既充  
然有得乃下筆為文章出試憲臺浮梁

戴公一見驚曰此子當為名士既累試不偶  
於時益肆力問學暇輒怡情吟咏尤酷嗜字  
學初學趙魏公得其真似晚師張伯雨更神  
雋可愛畫梅花有逖禪老人筆意嘗自題  
絕句云一別西湖未得歸孤山風月近何如  
春來賸有看花興又向君家寫折枝嘗遊  
浙之赤松山愛其佳徘徊不能去因自號赤  
松山農太宰青谿倪公叅贊南京時嘗擬

薦於朝不果以弘治辛酉八月十五日卒年五十有三

金璿

金璿字元善號松居元王之弟精於醫術及繪事曾寫袁安卧雪圖兄元玉題云一片堅貞天地知甘貧豈但雪中飢平生恥作人態縱使天晴也不宜

史忠

史忠字端本一字廷直金陵人復姓為徐更  
名端本年十七方能言外呆中慧人皆以癡呼  
之又謂之癡仙性卓犖不羈其畫山水人  
物花木竹石有雲行水湧之趣癡仙嘗訪沈  
啟南於吳中到門值啟南他出見堂中幃有  
素絹即援筆濡墨成山水一幅不題姓名  
而去蒼頭請留名癡仙笑曰主人見畫即為  
神交何必留姓氏乎啟南歸見畫曰吾閩人

畫多矣吳中無此筆非金陵史癡不能也  
遣人四覓邀回相與莫逆留數月而返後石  
田至金陵亦館其卧癡樓中其妻朱氏號樂  
清道人愛姬何氏號白雲喜畫小景工篆書  
解音律

吳偉

吳偉字次翁別號小仙江夏人少孤貧善繪  
事不師而能山水人物俱入神品性褻直有

氣岸與俗寡偕求者非其人不應雖素與之  
昵好一言不合輒投硯而去成化間成國公某延  
至幕下一見以小仙呼之因以為號平江伯具  
禮聘之渡江間譽日起憲宗召至闕下授錦  
衣鎮撫待詔仁智殿偉有時大醉被召蓬首  
垢面曳破皂履踉蹌行中官扶掖以見上大  
笑命作松風圖偉詭翻墨汁信手塗抹而  
風雲慘々生屏幃間左右動色上歎曰真

仙人筆也偉出入掖庭奴眎權貴求畫又多  
不與於是權貴數短之居無何放歸南都偉  
好劇飲或經旬不飯其在南都諸豪客日招  
偉酣飲顧又好妓飲無妓則罔驩而豪客競  
集妓餽之孝廟登極復召見便殿命畫稱  
旨授錦衣衛百戶賜畫狀元印寵賚日厚偉  
思還楚蒙恩祭掃武昌數月還次采石有旨  
趣回京賜西街居第逾二年偉稱疾得居



秦淮之東涯正德三年五月武宗即位遣使  
召之使者至未就道而中酒死時年五十

### 張路

張路字天馳號平山大梁人以庠生遊太學  
畫法吳小仙雖草草而就筆絕道勁然秀  
逸處遠遜小仙此人於平山畫視若拱壁鑑  
家以其不入雅玩近而聲價漸減矣

### 李在

李在字以政莆田人遷雲南行取來京山水  
細潤者宗郭熙豪放者宗夏珪馬遠其人物  
則八面生動故為世所重也

鍾欽禮

鍾欽禮號南越山人好圖山水自題其居一  
塵不到處有兩山一幅展玩間覺有雲氣盪  
摩心胸恍若卧虛舟於長松下天風習習自  
澗谷中來也真令人有一塵不到之想

汪肇

汪肇號海雲休寧人山水人物出於戴文進  
吳次翁其不經意處頗露天真曾至金陵悞  
附賊舟值祭江神約於深夜刼掠一太守舟  
欲汪備數汪不逞其意自陳善画開箱取扇  
以示無物人各畫一扇贈之及至飲酒用鼻吸  
飲又作戲事以娛勸之賊首不覺沉醉遂悞其  
事因得捨舟就陸而行常自負作畫不用

朽飲酒不用口亦異人也

王一鵬

王一鵬字九萬號西園野夫華亭人弘治十一年歷貢授訓導致仕性寡廓瀟灑綽似晉人工詩工書亦渡工畫詩宗元白書似山谷寫山水老筆紛披有子久琳明仲圭元鎮之風

沈貞沈恒

沈貞字貞吉弟恒字恒吉長洲相城里人徵

士孟淵子也孟淵當永樂間以才徵不就吏  
使二子學於陳嗣初一時士無不傾動游於  
其父子者皆有名當世相與推重而貞吉兄  
弟詩亦相若自相倡和篇什甚衆下至其家  
人子亦能之幾若鄭玄家婢又皆善繪素  
貌人畜工絕每圖構輒踰時乃就亦不肯輕  
為人作故少存者至恒吉子周始大著二君  
立行簡貴所居几闥蕭然樹石環之激水

集賢堂卷二  
映軒檻陳古彝器坐卧其中或舟泳焉歷  
諸浮屠流連清賞有隱士風故能成其藝  
也

沈周

沈周字啓南號石田人稱石田先生其大父覲  
菴徵君以詩名江南而先生世其家學精於  
誦肄自墳典丘索以及百代雜家言無所不  
窺一切世味寡所嗜慕惟時々眺睇山川

擘擷雲物灑翰賦詩游於丹青以自適追踪  
晉唐名家及宋元而下無弗探討山水則於董  
源巨然黃子久梅花道人尤擅出藍之義王  
元美稱先生畫為國朝第一文徵仲亦稱  
吾石田為神仙中人云先生雖與物無忤而  
披襟吐舌者十不二惟吳少宰寬都太  
僕穆文溫州林及溫州子徵仲則其莫逆交  
也此四人者蓋世所稱篤行慕古金玉偉人也

而徵仲則又師事先生云父歿遂捐棄儒生  
家業絕意干祿事母孝母欲有所往輒翼輿  
刺舟挈甘旨以從母年近百齡而歿蓋孺慕  
者終其身里中有急難不問誰何輒捐囊  
中錢佐之天寒雨雪望里中突不烟者則呼  
蒼頭課其困廩而致焉曰余固不能獨飽也嘗  
以重直購古書一部陳之齋閣一日客至見  
而諦視之問書所從得先生曰客何問也客



曰公幸無詫書吾書也失之久矣不意乃今  
見之倘得其所從我將質焉先生曰有驗乎  
曰某卷某葉某嘗書記某事或者猶存乎  
先生發而視之果驗即全而歸之終不言售  
者姓名亦不噍呵售者居嘗戒入城市郭  
外置一行窩間與親賓雅善者款語有盛  
車騎騶從過之則遜謝不納曰久廢巾裾毋  
以散人溷游從也每欲至窩遠近相傳曰

沈先生來矣候之者舟開河干屢滿戶外乞  
詩乞畫隨所欲應之無不人々滿意去壯且  
老矣遁聲匿影惟恐不迭巡撫三原王公  
恕彊賓之行臺諏咨治道然非其好也後  
巡撫彭公禮見其咏磨詩詞旨淵蓄乃又高  
其行誼固請相見則遜謝不往勅令守禮致  
之坐語竟日歡喜過望若欲款之幕下者  
先生測其旨頓首曰小人無狀不足以儔牛

馬且老母困憊非兒無以起居望垂憐釋之  
返舍以全母子之命即公賜渥矣彭公益歎  
異焉後有曹太守者新構察院成欲蒞繪  
其楹壁也而羅致諸畫史有侮先生者陰入  
其姓名出片經攝之先生謂攝者曰無恐老  
母但留某所當畫者旦夕赴事不敢後于他  
人或曰此賤役也謁貴遊可以免先生曰義  
當往役非辱也而求免於貴游不已辱乎遂

潛往訖工卒先他人終亦不見曹而還無何而  
曹乃入覲銓曹問曰而知沈先生無恙否則漫  
應曰無恙已而見相國西涯李公復問曰若  
來沈先生有書乎則錯愕曰有而未至當  
附諸從事來耳吳少宰寬方在詹府曹  
弟皇走謁問誰為沈先生者其人能作何狀  
吳乃具語之故曰此其人名重朝端五侯七  
貴不足齒也曹曰然則奈何吳曰僕多其

畫可代之緘而致之第言沈先生適病不能  
為書耳曹乃徧適過吏卒勅之曰歸也必無  
至郡齋而先詣沈先生比其詣也則從容出  
肅曰問閭渺小何至辱枉尊重乎曹乃折  
節為禮索田家餐飯之而去先生則至郡  
關一投謁為謝而已先生以藝事重古今  
而其耿介獨立孺慕終身過人遠矣

陳眉公云

石田少時画所為率盈尺小景四十  
外始拓為大幅粗株大葉草々而成

文徵明

文衡山先生者長洲人初名璧字徵仲故信國公裔也避祖諱以字行更字徵仲十六而父溫州公林歿於官郡僚合數百金賻邵之曰孤不欲以生活逝者既補諸生下帷讀書而弄筆和墨旁及他藝其所嚴事者吳尚書寬李太僕應禎沈先生周而友祝允明唐寅徐禎卿吳徐工古文歌詩吳又能書李祝工書祝又能古文

歌詩沈唐工畫又能歌詩而皆推讓先生先生  
楷書師二王古隸師鍾太傅畫師龍眠吳興尤  
精絕詩得中晚唐格外趣獨於科舉文取達  
而已而試亦不利及貢而臺使者薦之試吏部  
得翰林待詔預脩史成賜金幣故相楊文  
襄張文忠時皆用事爭欲容公而公不往止  
何致仕歸以翰墨自娛造請戶屨長滿顧所  
許獨書生故人子屬為姻黨而窘者即彊之

竟日不倦其他郡國守相貴戚連車騎富人子  
行珍寶里門外不能博一赫蹏而所最不輕許  
者藩王中貴人曰此國家法也蓋正德中寧邸  
以厚幣聘固辭未幾寧敗天下稱之先生暇則  
出游近地佳山水所至奉迎恐後居閒客過  
從焚香煮茗談古書畫彝鼎品水石道吳  
中者舊使人忌逐如是者餘三十年九十而卒  
平時猶為人書志石傳筆栩然若蝶化者人



以為仙去不死也

予購得待詔墨筆盆蘭小幅上題五言古十四韻尾

云丁卯初秋文璧書皆八分書重題云片經流傳五十年新痕殘墨故依然白頭展卷情無限何止聰明不及前嘉靖戊午五月四日重題於是距丁卯五十二年徵明年八十有九矣計五十五字蠅頭細楷筆法娟秀可愛上壽而神明不衰猶勤筆墨此幅重題亦執林一則佳話也子中書

### 文彭

文彭字壽承號三橋衡山先生長子以明經

授南京國子博士書法步武衡山尤工隸古壽

承不以畫名世毘陵龔氏有桐陰避暑圖結構頗類衡山乃知家學淵源點染有自矣

文嘉

文嘉字休承號文水衡山先生次子以貢為湖州廣文善書畫能鑑古蹟画法倪雲林雖着色山水殊有幽澹之致間仿黃鶴山樵皴染清脫墨氣秀潤真士流之作

文伯仁

文伯仁字德承號五峰衡山之猶子也畫山水  
名不在衡山下好使氣罵坐人多不能堪少  
年時與姊衡山相訟繫於囹圄病且亟夢金  
甲神呼其名云汝前身乃蔣子誠門人凡画  
觀音大士像非齋戒不敢落筆種此善因  
今生當以畫名世覺而病頓愈而事亦解矣  
伯仁少傳家學時以巧思發之橫披大幅頗

負出藍之聲

蔣子誠金陵人善畫  
神佛見江寧縣志

文從簡

文從簡字彥可衡山先生四世孫拔貢不仕  
寫山水步武衡山休承不墜家學其女適趙  
靈筠精於花卉世所稱趙文淵者也

文從昌

文從昌號五嶽衡山先生雲仍也寫山水得  
衡山法脉行筆秀麗出入於趙千里王叔  
明間雖渠家文水五峯不能遠過也

周臣

周臣字舜卿號東村姑蘇人畫法宋人巒  
頭峻嶒多似李唐筆其學馬夏者嘗與國初  
戴靜菴並駢六院體中之高手也唐六如画法  
受之東村及六如以画名世或懶於酬應每倩  
東村代為之今伯希流傳之畫每多周筆在  
具眼者辨之

陳暹

陳暹字季昭善設色山水人物其圖象綿密  
蕭散皆有意態與周東村同郡東村画法  
蓋師季昭云

### 唐寅

唐寅字伯虎一字子畏吳縣吳趨里人幼有  
俊才博雅多識工古文辭詩歌效白香山體  
其合者尤能令人解頤畫品高甚自宋李營  
丘李唐范寬馬遠夏圭以至勝國名家大癡

山樵之蹟無不探討由諸生舉應天鄉試第一當赴禮闈與江陰徐生同載以賄主司程敏政得題事株累罷為吏謝弗就先生賦性疎朗任逸不羈頗嗜聲色既坐廢益游於酒人惟以詩畫自適當一赴寧王宸濠聘度濠有反形乃陽為清狂不慧以免歸無幾以故去其妻初為諸生時嘗作俚詩中有杜曲梨花杯上雪灞陵芳草夢中烟前

程兩袖黃金淚公案三生白骨禪之句蓋詩  
識也晚好佛氏自號六如取四句偈旨治圃  
花塢日夕嘯歌其中卒年五十四時嘉靖二  
年十二月也

朱綸

朱綸字理之蘇州人山水類唐伯虎與伯虎  
全時

張靈



張靈字夢晉吳縣人家故貧窶作業閭閻  
至靈始讀書好交游為俠醉則使酒作狂每  
歎曰日休小豎子耳尚能稱醉士我獨不能  
醉耶所與游者吳趨唐寅最善寅嘗擬游  
席丘呂靈與俱往促之尚卧寅拉寢所呼曰日  
高春矣睡何為得無夢晉乎靈覺尤怒曰今者  
無酒雅懷殊不啓方入醉鄉又為相覺寅曰所  
以來固欲邀子飲靈喜加衣起遂與寅上舟扣

舷痛飲作野人歌會數賈飲於中亭且咏詩靈  
曰此養望登高不過弄杯酒耳固不能詩而抽  
心焦思豈不過誤哉因更衣為丐者上賈與之  
食啖之謂曰卿子厚潤屋之資當四美之會登  
高能賦又有大夫之才此誠皇天奉卿子厚也  
吾所得之雖至薄而詩亦能請狗尾續賈笑曰  
丐者得無誑之最乎時賈所為詩有蒼官  
青士朴握伊尼諸詞因以問靈靈曰蒼官松也

青士竹也朴握兔也伊尼鹿也賈始駭令賡即  
揮毫不已衆驚詫担舟命童子易維蘿陰下  
令跡絕賈使人察之不見也皆以為神仙賈去復  
上亭朱衣金目作胡人舞形狀殊絕初靈與寅  
俱為郡學生博古相高適鄞人方誌來習學  
惡古文詞察知寅欲中傷之靈挹鬱不自遣  
寅曰子未為所知何愁之甚靈曰獨不聞龍王  
欲斬有尾族蝦蟆亦哭乎後靈果為所斥罷或

謂之曰以子之才顧不得激致青雲乃重遭顯棄  
豈無雉經之用而何以立於世靈曰昔謝豹化為蟲  
行地中以足覆面作忍恥狀使靈用子言而當如  
是矣縱不爾而安得更銜蠶落耶靈能人物  
畫人皆推之

王寵

王寵字履吉號雅宜山人書法出入晉唐詩亦  
清新絕俗與祝京兆文太史唐六如齊名作

畫仿黃子久蒼秀處不減徵仲嘗自題云遠岸  
疎林斜日外春風碧水草堂前匡廬突兀開  
屏障坐看銀河一道懸嘗自寫小像王介州為贊  
余於履吉從孫弘卿處見之惜年僅四十卒倘  
躋於上壽其揮灑當與文沈諸公爭坐也

徐霖

徐霖字子仁先世長洲人其祖以事謫戍南京  
遂籍焉子仁生而廣面長耳體貌偉異機神夙

解九歲大書輒成體通國呼為奇童年十四補博  
士弟子負簪學御史每試必稱奇才然任放不諧  
俗忌刺者嘗側目視之竟遭誣黜落由是益悻極  
群籍尤工詞翰旁及篆書并山水花卉無不臻  
妙武宗南巡近侍上其詞翰召見行宮愛之兩  
幸其宅賜一品服命扈從還京將授美官會  
武宗晏駕復還性好游觀聲伎之樂築快園  
於城東善製小令得周成美秦少游之訣又

能自度曲棋酒之次命伶童侍女傳其新聲蓋  
無日不暢如也所述有南京志若干卷乞下應  
天府給筆札繕寫進御所著有端居詠遠游  
紀北行稿皖游錄古杭清游稿麗藻堂文集  
快園詩文類選中原音韻註釋續書史會要  
愛雲間之勝自號九峯道人或稱為快園叟  
或羨其美鬚髯又呼為髯仙

杜堇

杜堇字懼男有櫪居古狂青霞亭之號丹徒  
人有籍於京師勤學經史及諸子集錄雖稗官  
小說罔不涉獵舉進士不第遂絕意進取為文  
奇古詩精確通六書善繪事山水人物草木  
鳥獸無不臻妙由其胸中高古自然神采生  
動余曾見其東園載酒圖天真爛熳誠逸筆  
也余鄉孫圖南所藏櫪居七峯圖乃為其先  
世七峰中翰所寫者樹石俱作飛白體後多



成弘間名士題詠如祝京兆唐六如陳石亭諸  
公之蹟尤稱合作罔南謝世書画散逸此罔不  
知所歸矣

陳沂

陳沂字宗魯後改魯南號石亭先世太鄴人  
國初始家南都父綱長沙府倅沂總角即能  
文後舉進士改翰林院庶吉士除編脩嘉靖初  
年與楊慎等議大禮慎等被謫世宗偶忘沂

名旋進侍講充經筵講官後問執政知之出為  
江西叅議進山東叅政先生補外久將內召遇  
執政於德州詞語相忤遂改山西行太僕不樂  
仕進上疏乞歸築遂初齋杜門著述旁及書  
法繪事皆掩映名流書宗蘇長公画格清勁  
其歷覽之處必作圖賦詩以紀勝游如濟南  
武林諸景俱有圖詠為丘壑傳神所著有  
石亭集金陵世紀金陵圖攷行世

陸師道

陸師道字子傳長洲人始成進士所射策入  
故相夏文愍公言手大奇先生為言於故相  
李文康公時曰是子也其文賈董而書則鍾  
王以第一人間是時上不盡寄相臣柄移之  
二甲第五選而得工部都水司主事任職廉  
謹夏公內自恨奏改先生禮部儀制司供  
事制勅先生雅不欲近相臣因母陳宜人

病請急歸侍久之陳宜人病漸劇會所予告  
過期遂不肯出益肆力於學其學自九流  
七畧稗官黃衣之屬無所不窺手抄典籍後  
先積數百千卷丹鉛儼然益工歌詩及古文  
辭又益習書小楷以至今隸皆精絕又旁曉  
繪事暇逼宋元時文待詔徵明里居亦善  
詩及書及繪事先生造門用師禮之人謂  
先生業已貴胡折節乃爾且不聞世以藝目

文先生耶先生曰子言之誤夫文先生以藝藏  
道者也自吾見文先生無適而非師也者奉之  
益薦文先生亦薦好先生即膠漆莫踰也諸  
臺使慰薦先生者無慮數十疏自世宗朝執  
政者好拔其黨據津要以相翼庇而輕於棄  
名士大夫士大夫亦醜之莫肯為用而吳中為  
最盛前先生者有王衆議庭陸給事縻袁  
僉事袞皆里居與先生善而先生所取友

如王太學寵彭徵士年張先輩鳳翼兄弟多往來文先生家與文先生之子博士彭司諭嘉日相從評隲文事考較金石三倉鴻都之學與丹青理茗盃爐香脩然竟日興到弄筆縑素尺幅一點染若重寶蓋是時海內懸格以購文先生蹟次及先生先生不為意尋而陳宜人以老壽終先生哭毀幾滅性以是悵鬱忽得末疾先生林下踰二十年執

政者新以名起先生乃起就補南儀部召為  
繕部郎中甫上擢尚寶少卿尋奉使祭秦先  
王意殊自快以生平所慕者關中形勝今幸  
一寓目焉乃縱游二華觀龍門砥柱浴驪山  
溫泉弔漢唐諸陵所至皆有詩而秦之嗣王  
習聞先生名厚幣以饗先生謝弗納歸署  
尚寶篆亡何故疴復作乃再上疏予告歸  
六年卒年六十四先生初號元洲尋更曰五

湖以表寓也所著文集左史子漢鐫若干卷  
先生之女趙陸卿子適隱士趙宦光凡夫博雅  
工詩有玄芝考槃二集行世凡夫鑿山高隱善  
大小篆趙之子婦文淵寫草蟲花卉為世  
所珍附記於此子士仁能世其學

陸士仁

陸士仁字文近號承湖尚寶五湖子五湖以  
麟經掇上第中年高隱游於衡山先生之



門風流藻采幾稱入室士仁克傳家學補博  
士弟子負屢試不售北游燕都攬京華之  
槩返至齊魯登岱宗宿日觀以挹其勝歸  
而屏去子衿為終隱計標格霞舉有尚寶  
之遺風焉興至則拂絹素作画自荆關以  
下無不規仿至於臨摹文待詔可謂得其心  
印而書亦如之嘗歲晏摹衡山積雪圖以  
資桂玉售之得五金却其半曰此偽耳不汝

給也其敦長者行類如此子廣明書法精工  
摹唐宋名蹟幾欲亂真而昭代之李懷琳  
也

無聲詩史卷二終